

Laser blues

Eccule, e cellule tenebrose
A prisgio di l'infenu
L'ultima tapa di l'udisea
Una centrale musicale
Aghju pigliata perpetuità.

I guardiani so musicant'impazziti
Sunatori di laser blues
Strumenti à i raghji inssupurteuli
Straordinaria invenzione
A e melodie insignificante.

Citaglianu e mani, ùn li pudemu arrubà
Urganiseghjanu cuncerti
Chjudenduci in stanz'à bughju cumpletu
Dos'estremi di laser blues
Distruzzione totale di speranza.

Aghju per cumpagni cundannati
Banditi di u spleen
Trafficcanti di tristezza
Assassini di solitudine
Ladri di dolore è di suffranze.

Eccule, e cellule tenebrose
A prisgio di l'anghjuli
L'ultima tapa di l'indisea
Mi facciu viulenza di tè
Amnesia totale d'amore.

Isula.